



龍游縣志 壬午年重刊

ル 5
3136
6



門 几 5
號 3136
卷 6

龍游縣誌卷之十一



海城盧燦惟庵重修

龍邱余恂岫雲纂輯

男勉沂公較閱

龍邱引

六朝龍邱子高邑人

一回首楚路蒼無極水照弄珠影雲吐陽臺色

村烟度洲長歸鳥息游蕩逐春心空憐無羽翼

贈別楊盈川

唐張說

杳杳深谷森森喬木天與之才或解其祿君服六藝

道德為尊君居百里風化之源才勿驕恠政勿苛煩
明神是福而小人不寬畏其不畏存其不存作誥茲
敗之根勒銘其口禍福之門雖有韶夏勿棄擊
無車馬敢贈一言

聞隣家理箏

徐安貞

北斗橫天夜欲闌愁人倚月思無端忽聞畫閣秦箏
逸知是隣家趙女彈曲成虛憶青蛾歛調急遙憐玉
指寒銀鎖重闌聽未闌不如眠去夢中看

送祝秀才歸潏水

朱慶餘

舊隱潏溪上憶歸年已深學從花下別鄉路雪邊尋
騎吏陪春賞江僧伴晚吟高科如在意當自惜光陰

龍邱道中

杜牧

漢苑殘花別吳江盛夏來惟看萬樹合不見一花開

其二

一饒湘浦灘聲怯建溪淚流迴月上可得更猿啼

姑蔑城

孟郊

勁越既成土強吳亦為墟金風一已被茲邑信平居
撫俗觀舊迹行春布新書興亡意何在綿嘆空躊躇

水竹居

宋劉章

森然幾竿竹密密茂成林半室生清興一窓留晚陰
俗物不到眼好書還上心底事急機侶此君同此襟
寄任大中秀才

趙抃

我歲將暮過橈鸚鵡洲憶君人少與買舍澱江頭
客路書多絕吾鄉夢半遊明年誰到蜀能寄好音不
酬吳宰勸農過訪

范浚

雲根仙館駐鳧飛倚閣遐觀笏柱願但賞春山多勝
事不知桃李被恩私

其二

夙駕勤民力勸耕肯停車軌訪柴荆誰言羈旅知交
態君侶春風不世情

觀祝孝友畫卷賦

朱熹

雲山烟樹炎天雨壑風林江閣月臨靜夜溪橋
寒襟

其二

天邊雲遶山江上烟迷樹不向曉來看詎知重疊數
其三

音游鼎言 卷之十一 下 三
炎蒸風處烈亭午轉敲絕萬壑一奔頃千林共蕭瑟

其四

卓閣臨無地江空秋月寒亦知奇絕景未必要人看

其五

無烟火溪橋絕往還山翁獨乘興飄灑一襟寒

題祝孝友屏

山房夕飈急木落洞庭波幾疊雲屏好一生秋夢多

三河道中

龍邱風土類中原雨勢山開百里川白鷺水田摩詰

王暉

畫桃花溪洞武陵船

其二

路入龍游不見山縱橫阡陌澱江邊穿籬殘笋如攢
湖夾道寒花似火燃

龍游道中間雁

王暉

來熟稻梁肥水遠山長結伴稀已是江湖遠行
客雙雙猶自向南飛

再泊龍游

翁卷

未得橋開鎖去舟難自由渚禽來入竹木葉下隨流

音流異言 卷之十一 下
忽見秋風喜還成歲早愁臥聞蒿子說明日到衢州

龍邱道中簡同行翁靈舒

趙師秀

久晴初得雨艇子後先行終日不相見與君如各程
多雪色野笛忽秋聲若有新成句溪流合讓清

招賢渡

陸游

老馬骨巉巖虺墮不受鞭行人爭晚渡歸鳥破新烟
湖海淒涼地風霜搖落天吾生倦行路搔首送流年

龍邱八景

鄭得葵

翠巖春雨

雨急林花第幾峰層層巖翠沐嵌空回頭萬象皆生
意緣遍天涯造化功

澱水晴風

皎鮪藍色染初勻風皺粼粼渺水雲安得此溪還姓

口高千載柳州文

雙港明月

云法逝水夾滄洲金耀浮光碎碧流夜半漁歌聲再
起一天明月兩溪秋

半山殘雪

寒峰蒼削露晴痕殘雪遙疑宿凍雲茶話尙餘清絕
趣半甌真味許僧分

漁村夕照

一艇穿魚醉夕陽柔條猶可折殘楊數家網罟孤村
夕漁唱一聲烟水長

別浦歸帆

望斷烟波眼欲空霞光明襯暮天紅水高數尺舟歸
急幅幅蒲帆飽受風

斷岸浮梁

輕舸簇簇水溶溶影落空江萬丈虹溱洧更無人病
涉浮梁千載紀成功

村市燒烟

微茫村市隱江湄三兩人家欲早炊翠箔樓臺烟半
知紅日上花枝

過姑蔑道中

陳舉愷

姑蔑古城暮山川近不同草黃秋過雨樹暗晚生風
流水中分郭飛橋下應虹未須追往事回首送冥鴻

題翁徵君集

謝翺

樵獵識冠裳何言志四方離春風日冷過楚薜蘿長
野夢違徵詔頻年枉薦章故山唐室晚應種亦為糧

龍邱萇吟贈程子正赴龍游 元余 闕

戰龍起新室羣鳥亦翩翩偉哉龍丘生抱琴歸故山
仰視天際鴻俯弄席上絃清音發疏越逸響遺澗泉
悠悠鳳翔漢姹姹虬媚川清風自千古何用能草言

贈司宮夏官章濬 明劉 基

靈峰勝蹟不可求東觀後人知九疇仙子馮虛風力
送神龍離隱雲氣遊渾天玉局錦幄護太乙寶書金

匱收巫咸杳矣何處問蚤晚乘槎窺斗牛

龍游道中 常遇春

策蹇龍邱道西風妬旅袍紅添秋樹血綠長旱池毛
比屋豪華歇平原殺氣高越山青入眼回首鬢頻搔

過龍游 張以甯

鷓首見龍游羣山翠浪流陽坡眠白犢陰洞鎖蒼虬
樹密雲藏屋灘長石啣舟呼兒具尊酒聽客說杭州

斗潭八咏 湛若水

圩上觀瀾

我本望洋客觀瀾得小圩源頭雲鎖斷山下看何如

沙頭喚渡

且莫渡河去風吹水倒流隔沙人不喚空老濟川舟

後溪釣月

釣璜不釣月釣月不釣璜夜來得月處釣絲俱已忘

南隴畊雲

耕隴恐破雲雲破成離披縱然畊破罷猶得補山衣

竹屋鳴琴

竹林圍翠嚮虛空和琴聲絲已不如竹風戛自然鳴

柳壇對奕

何處柳壇好柳壇風景多奕聲動南浦驚甌飛渡河

禪刹雲封

古刹雲長封絕頂出雲外君欲看白雲更上九層刹

書窓雪霽

書窓映雪時書聲已聞世留眼看風光窓前雪初霽

送胡彥超

吳寬

年過四十不作官還將短髮籠儒冠平生一經已爛
熟胡爲挾入橋門觀前年鄉書名始判曲江又避春

風寒重來橋門住三載打頭矮屋聊盤桓朝藿暮鹽
不滿盤何須故人勸加餐日高對案笑捫腹自有五
色之琅玕側身西北望長安眼中一朵紅雲團天門
欲往澁如棘若比蜀道猶云難嗟哉出處誰得侶頗
似吳下吳生寬吳生作詩忽盈帟送君還到春闈裏
春闈多士多如蟻勿將老少分憂喜君不見韓昌黎
張童子同是陸公門下士昌黎文章如皦日童子聲
名逐流水人生傳世有如此區區科第何難耳

次韵胡彦超致仕留別

昔人早已歎賢勞十載何堪第六曹忽報兩崖秋水
盛回看千里白雲高遠塗重負歸方釋巧宦爭馳戰
敢塵爲想東陽名酒熟和陶詩就合風騷

珠湖

邵起

湖光蒼瑩漾琳球十里周迴一鏡秋渡挾湖聲通澗
水氣凌山色逼龍邱乘槎未效張騫去放棹時爲范
蠡游安得三賢能載起詩歌重與共賡酌

題貞烈徐蓮姑

夏言

未親夫面爲夫亡不比尋常烈女行白髮尙然移晚

節青年誰肯棄春光魂歸天上乾坤老名在人間草木香我豈等閒輕下拜祇因千載重綱常

贈中石王隱君

胡應麟

五字新詩一釣綸携將帝座問星辰常行雪裏山陰道肯逐風前洛下塵大厦萬間容作客危樓百尺舊驚人無言掃葉王生耄結襪猶能重相臣

席上送童子鳴遊衡山得踪字

躡蹻初尋七十峰亂山秋色傍行踪中天翠削芙蓉秀絕嶂青含薜荔重金檢自探神禹策丹臺誰辨祝

融封登臨憶爾層雲上杖底千巖落暮鐘

送童子鳴歸龍邱

康從理

龍邱歸路海雲平君自披裘不世情臥對青山忘客禮醉操白雪厭時名家貧尙有書連屋身隱真無屐到城五岳尙因婚嫁畢可能瓢笠負禽生

弔童子鳴

王世貞

飯顛山頭骨陵陽石畔心隱能逃小賈窮不廢長吟婦泣黔妻被兄悲子敬琴龍邱墓堪傍千古是知音送陸楚生弔童子鳴

絮酒輕千里生芻託寸心一貧無掛劍百感爲分金
淚向吳江盡恩偏越嶠深山陽夜中笛腸斷不堪尋

太末江中連雨呈偉長將軍

沈明臣

萬壑千山積雨多海門三日下鴻波蛟龍直欲摧孤
嶼烏兔深疑避九河看劍陰風吹白髮彈琴春雪照
青蛾將軍且獵長鯨飲北南蠻柰爾何

題余仲友江湖覽勝卷

徐經

萍跡飄飄任去留江南江北恣遨遊沿河翠柳晴牽
纜夾岸黃蘆夜汎舟心遠每同千里鶴情閒應托五

湖鷗征帆遙渡蒼茫外猶帶瀟湘一片秋

晚發盈川渡

陸律

青草渡頭合舟開向晚天疎燈孤枕宿細雨片帆懸
雁下平沙荻猿啼獨樹烟風塵隨去住鄉思倍凄然

盈川懷古

茲地舟行數懷人思惘然盈川經此日流水自唐年
廢邑叢春早荒山入暮烟昔賢不可作開笥讀遺編

夏日盈川懷古

李應陽

五月盈川道蕭然水石幽掀蓬納風氣鼓擢濺灘流

渚鳥閒於客巖松澹似秋楊侯爲宰日秀句滿滄洲

澱江送別陳白沙先生

祝望

美人別南浦正值桃李菲踟躕不能別日暮悄忘歸
我有龍唇琴玉軫黃金徽爲君激清商淫淫涕沾衣
衣裳不足惜但傷知音稀

送盛朝用讀書方山

童珮

靈巘華陽並松杉遠世氛藥多前代草香是隔山雲
花氣惟春識書聲祇鶴聞傳經君獨徃弟子候河汾

桐村道中作

徐天民

朝來聞雨歇日出見烟清乳燕翻風軟飛花點水輕
漢塘新漲滿桃李綠陰成歸路聞田老相酌信有情

寄徐水南

陸順中

幾回擬作寄君書真意難從尺素舒明日獨憐鷄唱
早停雲空託雁來疎柳橋覓句苔侵屐竹徑流觴水
遶廬回首舊遊還歷歷慙慙更與惜居諸

桐村

小艇出平沙漁家住水涯竹扉山大吹幾樹野棠花

龍邱祠十景

屠隆

高閣凌雲

高樓千尺上亭亭天劃名山表地靈惟底寒雲常五色金幢影裏見文星

雙亭漾月

雙亭相對敞巖扉夜靜天空明月輝人在堯羅銀界裏不知露氣濕秋衣

心泉一鑑

千秋祠宇續香燈祠下飛泉灑一泓其道使君心似水澄然照見玉壺冰

道院千鍾

夾道琪花瑤草芳白雲繚繞翠瓊房隔林清曉疎鐘動散入松聲一院涼

碧梧夾道

境入清涼別洞天新桐初引露華鮮藥珠經罷元宮寂日午爐香一縷烟

翠竹凝軒

碧殿陰森生夏寒庭除綠長萬琅玕羽人徙倚間吹簫明月渾疑下白鸞

鹿集芝岡

平岡熒熒五靈芝應是山林解獻奇
仙鹿時時來就食雲中彷彿跨安期

鶴巢松嶺

長松百尺拂雲稍謾謾天風冷鶴巢清
夜月明如鶴唳恍然句曲禮三茅

懸岸雪霽

巉巖磴道若行空下有飛流灑白虹
高嶺清寒殘雪後琉璃夜浸藥珠宮

曲徑梅芳

窈窕山深徑路斜數枝冰玉點梅花
暗香疎影憐清絕人道孤山處士家

玉映園訪葉光甫

焦竑

一灣寒玉駕春虹喬木千章帶雨籠
何處書聲滿空谷尋踪只隔亂花叢

貞節咏為葉祿姑作

余湘

君不見青陵臺前連理枝孤根入地相
因依精靈尙作鴛鴦鳥雙棲雙戲永無離
君不見玉京梁間單棲

燕春社年年紅縷線去來不逐雄雉飛只許孤鴻中路見物類猶懷伉儷恩肯隨世態變朝昏不看虛塚崔家女解與盧克結幽婚君不見千金寶劍掛墟墓豈因生死違心素妾身不啻千黃金豈負心期更他墓難效華山畿若哀哀聲徹地棺再開便欲入棺從君逝此身剷死心先灰君今棄妾妾有身妾欲從君君有親君親有妾君不死妾身為婦還爲子高楓露冷烏啼霜金風吹折蘭芷芳青燈燭滅耿無寐形影相吊涕沾裳悲蛩啞咽鳴訴語腸斷帝闈思如縷翩

翩墮葉敲寒窓炯炯寒蟾照清泚浮生自淺義自深
旦夕難移百歲心失身却咲臨邛女還悲晚節白頭吟
有身便作山頭石望夫年年望不極苔榛相避不敢侵
雨蕩霜磨消不_有淚便作崩城血堅城可開痕不滅怨聲千載寄啼鵲
夜深叫斷三更月吁嗟一念泣鬼神精誠真可凌秋旻剛腸莫被紛華變
千古綱常闕一身姑兮姑兮真勇決長慟一聲金石裂正氣稜稜塞兩間
大義昭昭凜冰雪薄俗聞風應汗顏勁節驚人還吐舌老夫揮淚詠蕪詞
欲並兩髦垂永

龍游縣志

卷之十一

下

三

韓太守冒雨見顧奉謝一律用童子鳴韻

昌黎五馬喜攀迎銀燭朱旗雜雨聲不分三台垂未
照久甘百畝事深耕山川新帶風雲氣殿角常瞻日
月旌銅竹豈堪宏遠畧金甌蚤已覆高名

龍游舟中

謝肇浙

積水澹平湖垂楊夾路隅江清織月入山古惟禽呼
落日南天雁秋風故國鱸片帆滄海去何必咲遺珠
五松圖爲龍邱尹光祿賦

積翠瀉寒淙雲間五老峰不栽陶令柳且種杜公松
清影常巢鶴疎枝欲作龍泠泠泉石裡豈受大夫封

龍游夜泊

王思任

古驛標亭步人今又步亭暄寒歌一闕江海鬢雙星
曬月灘常白穿燈橘又青遠山施太末無數到烟汀
東華山望余晉生山房有懷

戴宗璠

佳人郭外居空翠足幽賞我欲對披襟朝夕神來往
燕雀上琴床花竹侵書幌慮淡物益親道元景逾廣
筍輿逐車塵去此僅尋丈迢迢吟膝間弱水望泱泱

那趙詩社高遙想游情爽東風正宜人慎勿負駘蕩

寄天台無盡大師

余用循

名山妙諦兩相當出世宏開選佛場洞口桃花常作

供春風瑤草自飄香閑雲任錫空諸相白雪盈囊護

法藏倘許詞人問蓮社幽溪不讓虎溪傍

和斗潭八詠

釋傳燈

圩上觀瀾

愛此圩上居面面臨激水時有清風來差差文章起

沙頭漁渡

南山多卿雲水深不可涉招手簑笠翁假我木蘭楫

後溪釣月

波心通海眼絲綸千尺長君且莫收釣明月在滄浪

南畝畊雲

曉起趁黃犢有事在南畝畊破隴頭雲樂矣厯山叟

竹屋鳴琴

何人與論心自撫無絃琴獨有君子竹擊節稱知音

柳壇對奕

古今棋一枰勝負何足美但取橘中樂猶愈樹下鍛

禪刹雲封

禪刹白雲封禪僧總不知有時從定起閒吟出格詩

書窓雪霽

閉戶常讀書不知雪已積雪霽月復來室中生虛白

閨咏四首

陸敬姬

清宵香霧冷花間風靜垂楊翠縷閒淮水月明芳草綠客船應逐晚潮前

其二

雪滿春寒滾素塵凭欄一望淚盈巾園林凍重紅猶

淺獨折寒枝憶遠人

其三

楊柳青齊鎖畫臺西園風煖百花開梅英零落幽期遠雕棟空憐社燕回

其四

東風吹雨亂絲斜簾外輕寒遍落花獨倚高樓思萬里晚烟春水遶蒹葭

泮林入詠

清黃濤

西湖

西湖不一地異地可同名龍游一泓泉源自南山陰
我聞學士疏濬擬西冷入明建城郭隔斷雙湖青
園林失舊跡花鳥自冬春中有魚龍蟄待聽風雨聲

印心臺

何人築露臺中央猶宛在廉隅正人心高平復爽垲
鄙儒胡敢問蓬茅數十載爲世作津梁指月同瀟灑
孔顏尋樂處濂洛合懸解夜靜聞絃歌澹臺憶良宰

文星堤

湖形南北廣東西近可涉泮林向巽離明堂忌冲滌

昔賢築此堤一湖故兩截文星耿河漢歲久歎湮滅
畚鍤及春興妙理貴重設隔岸桃李花粲粲

泮池

湛湛半輪月泮壁象澄涵君子觀大水昭曠甲江南
魚躍動星辰鷄鳴見南山西郭岑山流曲澗無枯乾
百年苦閉塞一旦還清漪父老休嘖嘖官墻職所擔
岑樓

上士志高躅亢極理必危達人樂卑牧但恐辱途泥
置身此樓間庶幾可否齊仰止識嘉名斗樞風憑依

會友以輔仁觴詠况復宜願言銳如岑青雲可共梯

君子堂

大射禮不作揖讓久寥寥西湖變相圃隱淪歸民巢
敬一有亭址闢草成神臯南北百餘武足容弓矢調
正已與反求吾黨無矜驕莫謂青青衿遜彼霍嫫姚

龍山講院

道統傳不絕萬古賴儒書匡山講太學處變實爲迂
經歸不講道茲席便爲虛龍山雞鳴院古義亦拘隅
何不名龍山利見風雲俱我將效道人問難無賢愚

冷閣

昔憐鄭著作廣文官獨冷熱中亦何爲不如澹而永
老夫葺小閣三面見樹頂晨夕數卷書朋來共酒茗
客星少微間相望古賢等四時一冰心南山對微哂

龍邱十二景

有序

古今名勝類取八景瀟湘著始在在效顰或歎於
數則牽綴一二以足之宜其限於八也盈川山水
幽曠古蹟實後余太史謂舊志八圖半屬泛套耳
欣日賞反有掛漏相與據實參訂定爲十二景屬

山人姜載繪冊而集能詩者唱和焉康熙壬子春日記

西湖柳浪

學士湖清宕碧波南山蒼翠接城阿魚龍石鼓秋郊
近桃李春園夜月多姑茂舊宮寒縹緲靈光新殿日
巍我詩人小大從公邁錦繡天開璧沼荷

翠巖春雨

石洞天然傍水稀翠光東壁綠陰肥重驅力士開丹
壑共渡慈航禮白衣身入薜蘿情澹合坐當烟霧氣

霏微年來蠟屐緣何事溪北行春暮不歸

鳳渚歸帆

衣帶遙通七里瀧四時強半有東風龍洲渡聳浮杯
塔銅佛樓雄砥柱宮估客渴尋秋露白漁人歌闌夕
陽紅灘高不害檣烏穩水驛蒼蒼集野鴻

雙橋明月

永安門外踏晴沙結伴携壺落日斜兩岸土風喧蟋
蟀一溪秋月浸蒹葭欲疑杖化逢羅遠如聽琴言憶
伯牙泊鯉灘聲分上下雙虹夾鏡冷生華

石壁漁舟

擬補桑欽浙水經派溪
松青始知晉記桃花
洞不獨嚴陵處士星精舍香深春晝永浮圖影斷晚
雲停人間只有漁家樂爛醉船頭自獨醒

岑山霽雪

粵考方輿邑乘篇岑山表鎮古盈川寒烟忽阻尋梅
徑臘雪頻高種麥天無數幽人侵曉看其中逸士抱
雲眠還因涸轍陽和照一夜平添百道泉

烏石飛泉

宋室傳聞功德林昔賢自記好奇心大書不見將軍
樹清聽空懷觀使琴千里遠峰看極目十尋懸瀑足
開襟山如削鐵泉如玉幾點胭脂絕賞音

牙屏松磴

道院迎仙若有梯牙屏洞口入雙溪千層岫嶂紅塵
隔一路松杉翠色齊古蹟志存空紀載寶珠花歇少
留題去盈去後盈川句付與空梁燕子泥

鷄鳴秋曉

括蒼北麓
式曲繞靈山到下方巖號鷄鳴開曉

音游歌詩 卷之十一 下 三
夢地乘龍德應文光士人好客楓林醉隣寺催吟桂
子香憑弔神仙趙繆督逍遙不覺度清商

九峰 一龍

龍邱祭酒漢高山九朶芙蓉孰敢攀東海尚書賢避
世議曹從事老投閒但爲君子師三隱莫向仙家問
九還安正書堂連石室梓花香入茆頭灣

澱水晴風

扁舟問渡午風輕一幅拖藍翠織成摩詰樓前新雨
霽澱溪亭下細流平此間自少山川險凡事難逢早

晚晴徃徃來來紛市集何人冷眼利和名

東山紅樹

尋秋日日出東門青帝祠邊葉滿村總是三時芳草
樹幻成九日錦乾坤清霜宿雨經偏好冷廟空山耐
久存四野紅粧如絳帳笑他絲竹謝公墩

姑蔑行

余恂

衢州古姑蔑地也郡小而貧苦賊苦饑無虛歲乙
未尤甚民旦晚且盡矣無民何以有土地不揆鄙
拙爲姑蔑行五百字代達下情以俟采風之獻

姑蔑浙水東昔在全盛日烟火藹相通蓋藏盈百室
桴鼓靜無虞天行歲多吉秋成輸并稅寬然靡所絀
風俗習太康上下皆膠漆崇極理必圯時序有肅殺
大難已戡除殘孽猶奔突穰穰白馬徒聚亂如蟻蝨
竄伏巖谷間以此爲窟穴雖無州府患此輩未云滅
毒螫遺四郊剽奪到蓬蓽兵者饑之源影響踰箭疾
父老數年來未見倉庾實日維歲乙未惆悵尤難述
方春舉趾初南畝土膏發播種亦始新霖雨何秩秩
殷軫雷霆鬪底劃波濤坵積潦排山根彌望百里沒

穎粟未和田徵呼已及闕傷哉此子黎何以資膏血
昨者日出杲農父欣相悅敢祝篝篋盈萬一升斗活
旣晴不復雨皇天胡酷烈維時方軍興舟楫溯吳越
旌旗暗江徼戈鋌積霜雪供億責有司本日閭閻出
師行甚分明邑小實倉卒輟彼桔槔勞峙此芻茭物
芻茭有時供炎赫何時絕旱氣如乾柴六月至十月
青草野尚枯何況在秔秠盜賊用民勞其勢滋莫遏
林蕩無完村瓦礫同一轍公然離其巢兢兢及城闕
殺僇兼笙竽非無防戍卒死者聲煩寃存者生意竭

居上豈不矜惠養難遽說
朝廷有輸將所以代稔
稊筐篚古王制錙銖詎容缺
逋負愆厥供義合受鞭
挾所嗟典鬻資十未能當一
吾聞群盜初本亦服錢
銓驅迫使之然仁者宜戰慄
煌煌渙汗音若保塵饑
渴刺使並龔黃長吏亦明哲
豈弟夙所持撫綏應有
術自當蕪瘡痍重見妖氛
豁予也下邑人枌榆實過
恤厝火甯不燃曲突甘居拙
洒涕獻斯篇南望正蕭
瑟

泮林八咏和黃符禺廣文韻

西湖

湖水不在廣有託乃得名鬱哉泮宮前方塘貯城陰
詩書播餘澤披拂風泠泠仰見巒岫浮天然成丹青
桃李煥初發遙映公門春試問西子湖孰與絃歌聲

印心臺

臺勢若浮空中流屹然在以之補地氣不獨資爽塏
荒榛久蔽虧啓辟自今載芟荷環左右化雨每沾洒
星橋法斗杓觀象得神解遊屐任縱橫功成身不宰

文星堤

平堤巨且修四顧不可涉屈曲度中央遙峰翠如澗
恠石蠹文星玲瓏非割截波濤湧巨鰲神山半明滅
感應有至理佳兆特預設光芒牛女間兩兩泰階列

泮池

溶溶半壁水粲粲萬象涵借問濬何時飄風方自南
芹藻競芬敷渟泓蓄雲山致此豈易言唇舌半已乾
集事貴勇決一往如奔湍同是洙泗徒敢云弛負擔

岑樓

人事有往復壯麗起傾危瞻言茲樓臺其始乃塗泥

一朝成傑構萃律與雲齊斗杓儼壁間群彥咸皈依
蒼翠當遠眸綺疏四面宜盡人可躋攀誰謂無階梯

君子堂

矍相重觀射茲典已寂寥舊圃雖具存鳩乃居鵲巢
迤邐泮宮西曠邈如林阜築堂克揖讓衆耦相和調
審固在正鵠心志歛不驕君子咸於斯何有漢嫖姚

龍山講院

聖人不可作傳者詩與書所重在講習未俗以爲迂
龍山得先生師道乃不虛煌煌立教旨行已守廉隅

多士從之遊日夕春風俱譬彼鐘在懸扣擊無賢愚

冷閣

仕宦亦何常心澹境自冷况乃一官清趣味彌覺永
飛閣對南山纍纍時露頂圖書左右陳供具惟杯茗
雲烟日萬狀視之與身等得句偶會心莞然成獨哂
過童壇里許有石屋洞深廣各數丈其高可仰
也詩以紀之

洞口翳日月谿舂勢參錯蘿篠入晦冥徑轉敞幽壑
公然成夏屋穹窿垂四幕冰柱撐虛空風穴司橐籥
雕欵轉玲瓏周遭更迴薄露泫乳欲流雲晴掌如削
不知巨靈手何年事斧鑿混沌一以開終古厲鋒鏘
鏗勺潛籟生蕩漾虛光泊信美難久留山鳴石欲落
龍邱十二景和黃符禺廣文韻

西湖柳浪

傍郭雙湖瑩綠波當年疏鑿擬巖阿柳梢月映連珠
近蘋末風來散綺多化雨泮池增浩淼連雲雉堞照
差戔炎天河朔宜高會數頃田田滿芰荷

翠巖春雨

積雨郊原翠不稀
薜蘿牽蔓野梅肥
連江漁舸還投網
隔岸山雲欲濕衣
渡口蒸龍津樹合
村莊杳靄暮烟微
巖前一幅添圖畫
斷續沙邊篋笠歸

鳳渚歸帆

激水嚴江共一瀧
客舟來往任春風
洪流不減桃花水
初地真同瓠子宮
迤邐芳洲連草碧
峩孤塔倚霞紅
歸帆片片斜陽裏
縹緲還疑數點鴻

雙橋明月

水輪滉漾浸平沙
泊鯉灘頭倚杖斜
岸夾雙橋連蟬
竦樓成一水對蒹葭
波濤恍惚浮鰲首
睥睨分明見犬牙
中夜沈寥群籟寂
梵聲隱隱出蓮華

石壁漁舟

靈源迢遞萬山經
石壁潭依竹塢青
半畝僧寮荒夜月
一舟漁火伴春星
樵蕪路斷丹崖出
衣帶江清翠

雀在書
檻中尊
登一
不食
平泉
頓覺
醉能
醒

岑山霽雪

西望長吟柳絮篇
皚皚積素似平川
鏡臺倍燦金華地
縞帶遙連白石天
嘹唳孤峯聽雁度
杳冥深洞隱

龍眠呼童煮茗資清賞不數中冷第一泉

烏石飛泉

絕壁招提在鄧林攀蘿懷古動遐心丹衷自照烏皮
几清韻猶傳綠綺琴慷慨羣英頻駐節汎瀾異代欲
霑襟吼雷飛瀑垂垂下彷彿馳驅鐵馬音

鷄鳴秋曉

浮屠倒影入江長突兀高標水一方近啓巖扉延霽
景平臨學舍映奎光聞鷄五夜科各重跨衛干山姓
字香極目秋郊時徙倚興來金石起歌商

豸屏松磴

縈紆百折躡丹梯絕頂登臨辨激溪樹古虬龍巒際
繞樓高燕雀斗間齊野人伏臘供祈報文士詩歌寄
品題共道山形如豸口廟門真作一丸泥

九峰仙竈

芙蓉幻作九峰山高士真人此共攀鼓瑟餘音青嶂
在燒丹遺跡綠蘿間巖成五采陰猶現瀑瀉千尋去
不還地氣自來多隱德客星遙接釣臺灣

激水晴風

淪漣風颯水紋輕霧縠冰綃畫不成廬舍千家浮浪
靜帆檣百道掠雲平鳳凰山下看春漲鶯鶯巖邊汎
晚晴蘓姥水經傳勝蹟至今留得穀州名

東山紅樹

坡陀岡勢接州門一帶精藍遶近村青女忽看移草
木赤城真覺徧乾坤無邊畦壟高低出不盡雲霞日
暮存亦是東山可乘輿何殊太傅舊時墩

著述附

宋劉婁切瑜集六十六卷 禮據遺三十卷 遺別

記一卷 喪服義疏二卷

唐楊炯盈川集十卷

徐安貞奉勅撰文府二十卷 徐侍郎集二卷

宋徐泌集一卷

徐直周易意一卷 學意蘊一卷

徐敷言二五君臣論一卷

劉冠集一卷

祝景先治安十策

劉章補過齋集一卷 刺刺孟一卷 非非國語

一卷

余嶸易啓業一卷 書說畧一卷 春秋大旨一

卷 使燕錄一卷

徐瓛紹興聖政寶鑑十卷

徐曉行溪集

夏僕柯山書傳四十卷

劉愚書禮語孟解一卷

劉克詩一卷

元徐浩集

鄭崑雋龍川集

吾衍學古編一卷 周秦石刻一卷 晉文春秋

一卷 楚史檮杌一卷 尚書要畧 林聽元集

九歌譜 十二月樂譜

趙友欽革象新書二卷

明徐諒遺安集

周凱家規二卷

龍游縣志 卷之十一 下 三
徐履誠城南集一卷 徐氏家規二卷

胡榮澱溪漁唱集

胡超恥菴集十卷

余默雪窩遺稿

何晉蟲技集一卷 寓蒲集一卷 和杜集一卷

方冕永思集二卷

王知縣瓚修龍游縣志十卷

祝品曉溪文集二卷

毛汝麒露山漫稿一卷

余湘鰲窺詹櫺十二卷

祝啓周莘畝遺粒十六條 禮經類紀十二卷

陸順中面岑堂集六卷

張文介題竹集一卷 代贊集一卷 醉吟集一卷

袁知縣文紀修龍游縣志十四卷

章司教慈綠筠齋言二卷

江司教汝濟三水集三卷

陸司教律從吾集一卷

李司教應陽搏微集 十二卷四博士皆官龍游集刻于邑

童子鳴集

涂知縣杰修龍游縣志十卷

葉良相稽道編

王之弼詩集

徐天民遺稿

萬知縣廷謙修龍游縣志十卷

曹聞禮萊蘿館集

龔承薦征蠻錄 嘯歌集

葉無盡天台志 華嚴經註 楞嚴經註 法華

經註 楞伽經註 幽溪大師文集

陸敬姬蘭雪齋稿三十卷 讀史評四卷

勞于王十經彙纂

余日新西臺疏稿

翁祚西園詩集

王之璽史醉二十卷 勝酬四卷


陳敬陶山小集

余用循華陽隱詩集

余 恂敦宿堂文集十卷 燕吟一卷 止菴手

抄十二卷

論曰觀於藝文而知文之不可已也賢士大夫生於是鄉有所撰著以表章山川闡揚人物固察乎不可廢已乃若宦遊之彥觸緒摛詞遠方之賢贈言投句其人其事咸在境中亦烏容缺軼哉夫陪侯之珠和氏之璧人人咸思據而有之以其足以耀身也况文之足以華國者乎上之采在太史資金匱石室之藏下之副在名山增桑梓枌榆之色笙簧鼓吹實藉鴻文蒐輯網羅不嫌廣擷觀者勿疑其汎濫而無當也



藝文誌 附載

龍邑豁除荒額頌

臣徐起巖恭紀

我

國家重熙累洽湛恩汪濊薄海內外靡有缺遺乾

隆元年恭逢

今上御極之初以嘉惠元元為首務赦帶征減浮糧
蠲賑頻頒不惜數百萬元錢烝烝黎庶罔不聃
食鑿飲以享熙皞于無窮顧荒賦未除追呼日
擾亦仁人君子所惻焉心傷者也龍邑自康熙

二十年田畝雖經清丈然至二十五年暨三十
八年迭遭洪水冲沒田地成溪成灘砂淤石壓
不可復墾者現計共田貳拾玖頃貳拾壹畝零
共地伍拾叁頃肆拾叁畝玖分零嗟哉龍民公
賦必輸石田難藝苦矣有司撫字心勞催科政
拙是以歷年積欠較諸他縣獨多爰是前任秦
令詳請舉行量丈延至閏令未及告竣今文案
奉文永停積欠邀

恩豁免此誠曠代之盛典也然荒缺額糧際此千

載一時之會若不亟請

題豁則小民之賠累

無休

起巖

乃於二年春夏之交單騎裹糧巡視

四埜按行隴畝確查水推砂壓真實情狀濡露
而出戴星而入晝夜督率書吏攢造冊籍校核
異同既成復赴省請于 制府再四哀籲力陳
疾苦至于涕泗交頤且曰職之來特為民請命
耳 制府察其情詞剴切始可其請及

命下共免銀柒百貳兩伍錢有奇米伍拾壹石貳斗
玖升玖合有奇自是而龍邑之民蘓矣夫起罷

音源集詩
德之民而登衽席之安責在有司宣

聖主之隆恩免下吏之掣肘仁歸制府至于蔀屋
窮簷家家頂祝以爲我祖我父百年賄累我子
我孫億載樂利藉非

皇仁浩蕩朝入

奏而夕報可又安能頓除宿患立遍山陬一至此
哉小臣起巖于大案之告成爰紀其始末繼之
以頌頌曰

維天怙肩惟

帝敷仁賦此荒壤用甦困貧羣沾雨露膏

澤如春青疇綠野氣象維新履畝核實

敢曰小臣亮工熙載萬類陶甄從此龍

邑食德飲醕含哺鼓腹葛天之民

重抄龍邑魚鱗冊存案記徐起巖

從來均地之法首正經界經界不清則田賦易
淆田賦淆而民立受其因此魚鱗冊之設爲前
人之良法美意豪強不得兼并吏胥不得作奸
皆是物也龍邑自康熙三年清丈地畝釐定鱗

冊一存司一貯縣迨康熙十三年遭耿逆兵燹縣冊遂遺失不全康熙十九年賴賢宰盧公軫念民瘼履畝挨丈造具清單分給業戶民間授受之產咸有可據至康熙三十二年祝融爲患而冊盡燬從前之殘缺者竟蕩然無存矣歲月深久時移事更至今日而業戶清單亦多傷於水火鼠蠹零落廢棄每有查勘輒無証據釁端日起雍正九年十一月奉文清丈地畝前令閭公恐民間告爭請領司貯原冊存署核對未幾

復奉文停丈冊猶未卽申繳予自蒞任以後不敢坐視縣冊之終廢廼于乾隆三年仲春召廊吏而命之曰此爲爾邑之扼要世世所典守也其籐楮之市裝束之工箱匱之備皆捐之自予爾其照式攢造閱八月而始告成圖繪井然磨對細密坵形四址號數弓步瞭如指掌雖此冊之存司者本缺而不全然搜羅縣冊之散布民間者次第調集披覽之下一邑之乃疆乃里俱在目前矣顧攢造人工飯食爲費浩繁初無所

音游縣志
出皆由廊吏閭分所管推收圖分按其大小每
糧一百兩抄冊一千號共計冊四十餘萬號每
號需費二厘約共千有餘金雖曰衆擎易舉亦
殊勞瘁矣是舉也便于民亦便于官前人之良
法美意庶幾復存後之君子幸留意焉

重濬龍邑城濠記

徐起巖

士君子既受一官一邑而理之凡土田方域城
郭溝渠關形勢而防水旱者事無巨細皆當盡
心焉非好勞也分也龍邑負山帶水其城延袤

六里巖固完峻爲衢屬之最域內四隅有濠志
稱蓄水以備火災深廣一丈有奇其在元明俱
引城南北澤堰之餘波以注之澇不溢旱不竭
精于形家言者皆以爲于邑最利故其時民物
殷富科第烏奕號稱蕃盛厥後北澤堰爲洪水
所夷旋修旋廢而濠亦漸被居民廛舍侵削瓦
礫填塞日就淤淺至今名存而實亡矣余蒞任
之三載諮諸父老思復其舊僉曰北澤堰之已
廢者勢難再舉惟是姜席二堰之水繞城而西

龍游縣志 卷之五
導其流以入濠事省而功倍焉予遂首捐俸五十金伐材鳩工卜吉興役于渠之淤者浚之岸之地者修之居民皆懽忻踴躍好義樂輸其矜士之老成歷練者皆出而分隅督理約費二百餘金閱三月而告竣自是城以內清流活活周通無滯矣予因思地之有水猶人身之有血脉也人身之血脉通則四肢暢運動靈否則未有不患拘攣苦踈盪者龍邑濠水之塞且百餘年是地脉之不舒寔甚今一旦疏之淪之中流外

達如醫者之于病察其患之要害而投之針砭有不霍然起者哉吾見地脉和而形勢利自此以往風會日進昔日之蕃盛有不期而致者矣顧斯濠之或修或廢考自前明已不可悉數安保數十年後不復見其堙塞哉惟願後之爲斯邑者毋忘前賢之成功與予今日之微勞時加之意俾勿壞焉 乎其可也

重修龍邑堰濠合記

徐起巖

水之爲利大矣哉在野有堰在城有濠所以利

音游縣志
農畝揀災稷衛疆圉涵靈秀也然必疏濬得宜
分策其功合收其利俾表裏相因源流畢貫庶
幾周通曲注惠我蒼黎余丙辰承乏龍邑念切
民生下車之日首以堰水城濠爲急務訪耆舊
矚形勢不肯因陋就簡竊謂事雖兩端要使緣
此達彼寔如一轍也龍邑南藉水源北倚陂塘
東西惟需堰水而姜席二堰尤號鉅川溯源發
自括蒼經靈山港而下昔人築壩引水溉田甚
多若前明邑令嘉靖間鄭公築馬頸以殺水勢

錢公踵修之暨萬厯間涂公崇禎間黃公疊加
整葺著有成模當是時非亶畝澮皆盈且得引
城南北澤堰之餘波注諸濠焉宜其居民殷富
獲雋連茹乎過此以往興廢不常至康熙二十
五年洪水冲汕僅存馬頸數丈余歷察滋弊知
席在下流其水先涸黠者穿姜之餘瀝分瀾不
足遂致下堰百計決排上堰多方壅護兩敗俱
傷爭奪紛煩土田磽瘠畧用補苴則無濟大施
建築則無資議捐則長吏畏難議科則小民未

信回想從前之周通曲注堰克滿而隨及城濠者感慨係之矣余目擊心營捐資倡導伐木鳩工選衿士之老成練達者生員方禧余逢瑛范芝顏毛文郁劉經元胡萬源錢湛監生吳廷遷余榮奇余鵬年葉必大職員余文奎十二人指授方畧更番督率備極綢繆去壅塞防驟漲凡搶修堵禦余與諸生均未嘗避暑雨也落成之日農民懽呼共慶而近堰五萬八千餘畝之田盡成沃壤歲收穫倍先是城濠久堙旱則無涓

滴之資澇則有泛溢之患予預於乾隆三年開濬深通至此則引二堰之水弗令旁洩盡歸于城之西門復因舊壩橫木于上以時啟閉其水一繞城而北一由西達于城之濠內環學舍滙泮池經縣治之白蓮橋東折而放乎北門之水關遂總城外之水同瀉于溪美哉清漣活活暢達如斯擬之在昔將毋同耶是役也為時凡經四月計費四百餘金藉非同寅之協贊諸生之經理余縱不辭勞瘁安能俾堰水城濠表裏相

因源流畢貫聿觀厥成哉爰統括原委而并紀之

重修龍邑尊經閣記

徐起巖

士子欲求古聖之心法採不傳之遺蘊其道莫重於經經之尊也尙矣自漢儒各命專家唐有義疏至宋而經學大明燦如星日之經天廣若河江之行地嗣是州縣學宮俱建尊經閣龍邑之有是閣也創自有明宏治己未邑侯袁公文紀于今三百年矣雖規模具在而烏鼠穿墉風

雨侵蝕岌岌乎有傾覆之虞予自乾隆元年來令是邑始至之日逋賦盈萬浮糧數百每惻然憫之因念古者禮樂之興先以經界桑麻旣裕繼以絃歌事無驟張治有次第未康阜而欲施教化是却行而求前也欣逢

恩詔蠲免積逋而斯民免於追呼又以水砂推壓久荒之產請題豁除銀米而迭年賠累之困亦甦時予以繪造鱗冊開濬城濠諸務紛紜而所謂尊經閣者巍然獨存於斷壁頽垣之間歲在

已未學博沈君圻黃君聯飛亟商之于予予首
 捐養廉銀五十金即擇吉八月二十五日鳩工
 庀材落成于次年四月計費共二百五十金又
 皆閭邑生童所集腋成裘者至經畫調度悉出
 沈君之手而協辦則生員邵宮范芝顏余逢瑛
 振維等之所贊助也閣正三間濶狹與明倫堂
 等左右翼以廂樓樓以東則鼎彝犧鬯盤盃祝
 版秩秩齊潔而藏焉樓以西則鞀磬祝圍琴
 蕭管鼓鐘鐘整而備焉適是年七月方

伯桐城張公奉

旨頒發十三經廿一史巖請頒而奉之閣中左經右
 史乃與學博時進諸生而探討之讀經而見聖
 賢心傳明體之學在焉讀史而見古今治體達
 用之學該焉諸生勉乎哉方今
 聖天子稽古右文大化翔洽山陬海澨靡不與于聲
 教况龍邑為兩浙名區多士之沈酣緼釀日新
 月異而歲不同者經為經而史為緯尊經而史
 在其中矣是為記

義學記

徐起巖

王制四民毋雜處雜處則其言厯其事易故國
家旣羣萃多士於學校之中春夏詩書秋冬禮
樂立之師儒以董其業而比閭術黨之間創設
義學以推德意而廣教育然則學校之建天子
之事也義學之設有司之事也龍游爲三衢著
邑稽諸乘誌前明宏治壬子六合袁公文紀建
社學四隆慶四年南昌徐公杰重建鷄鳴書院
於儒學之北我

朝康熙辛酉海城盧公燦復興鷄鳴之社其時里中
子弟無貴賤少長皆得入學肄業以故文教大
行賢才奮起乃距今幾何年而風流衰歇跡其
學舍故址已蕩然無有存者嗟乎此雖時會使
然亦爲斯邑者之不能不在其咎也予旣分符
茲土每念縣令一官有父母斯民之責養之矣
加之以教故春秋勸課之餘必與邑之子弟諄
諄相勉於孝弟忠信之行然記有云敬業樂羣
又云相觀而善則讀書砥行當如百工之居肆

然否則未有不舍其業以嬉者雖前之書院社學廢者不可復存而今日之經營圖畫俾譽髦斯士藏修有所游息有地非予之責而誰歟于是以義學之設請于 上憲酌公帑之餘資其費其不足者則以予之養廉及衿士之捐助者繼之 上憲可其議遂于縣之城北購祝姓之別墅鳩工改作有堂有樓廳屋庖漏列舍共計三十一間圯者以葺毀者以易煥然增新而庭中花竹陰翳文石交錯古茶叢桂老幹扶疎鬱

然深秀凡几案匡牀一切器具靡不兼備是役也學博沈君圻黃君聯飛丞尉湯君大用翁君遵讓皆勤助擘畫而董其事者則明經周之冕庠生劉浩劉家駒范之垣余楷孔府贊生童大綬皆與有勞焉始于乾隆四年秋九月告竣于五年夏六月不華不陋咸有規度吾不知向所為書院社學者果何如而登斯堂也亦可以興可以羣矣爰進邑之諸生而語之曰師道立而善人多易稱君子以教思無窮茲學之設凡以

廣學校之所不及也風行罔不在初童蒙求我
養以正罔不臧慎之哉毋凌節毋過時毋見異
而遷毋始勤終怠庶幾觀厥成乎或有趨而前
者曰侯之用心如此自今伊始吾游其文藻蔚
興科名甲第日隆隆而上矣乎予應之曰非也
言揚行舉家修而廷獻爲學得祿固有自然之
理顧吾所望于諸生者豈徒獵取浮華以爲榮
利之階哉亦欲敦本務寔革故取新日以詩書
道德之氣涵濡漸漬厚所蓄植使閭里族黨之

間皆能薰其德而善良邪慝不作風俗和美此
則予之幸也而亦

國家之慶也乃援筆而爲之記

盧公傳

徐起巖

公姓盧名燦遼東海城人也其令龍邑正當康熙甲
寅之秋逆耿踞溫台處等郡其衆已度霞嶺破江開
直逼衢之郡治而括蒼之民爲所煽惑者助寇肆焰
突入龍城掠帑藏以去前令遽引疾歸而公特檄至
至則度形勢審機宜慨然曰衢全浙之鎖鑰龍一郡

音波縣志
三
之咽喉此非死守不可遂嚴斥堠布間諜募鄉勇厲
器械下令曰我爲若保鄉井若爲我殺賊我且爲若
先或疑衆寡不敵則曰彼烏合吾練兵百足當賊萬
遂率衆以出大小數十戰輒捷時賊衆聚上塘嶺憤
其屢敗將大舉以薄城諜報至公曰毋人薄我遠率
鄉勇距賊五十里而駐夜半令飽食啟行身策馬先
行平明至溪口猝遇賊矢一再發連斃二賊而賊中
牌手掩至砍公馬足墜于田從兵毛五五者持挺奮
擊殪牌手而公已躍起先登破陣直抵上塘薄其穴

巢賊烏獸散收其積聚以犒軍凱旋鄉兵死義者爲
之痛哭發喪厚恤其家後賊尋結寨赤津公聞之復
進兵道經溪口上塘見前所殺賊衆遺尸遍野慘然
曰是皆赤子爲閩逆所煽至此太息久之且曰賊已
膽落可不戰而下乃單騎抵賊巢大呼曰我盧知縣
也若本良民各有父母妻子胡自就死地今正爾自
新之日曷投兵歸我乎遂相率羅拜請降而南方之
寇遂靖其東則有潘塘距縣治八十里界遂昌之高
坪路僻山深人跡罕至賊沮兵列皆久矣及赤津就

撫公遣人招之賊負其險遠不應公乃密陳于制府
既報允遂率城守鄉勇之兵以往先令百人從間道
伏賊後戒之曰我前搏賊賊必空壁鬪若乘虛入賊
寨卽縱火焚其林以斷高坪奔逸之路甫接戰而賊
巢火發呼噪震山谷賊大驚潰迫于火不得逸遂殲
其衆而東南積寇悉滅其西北諸鄉並聞風遠竄而
四境帖然矣嗟乎耿逆爲變不旋踵而亡雖運籌于
制府蕩滌于

廟謨然如盧公之保障全城厥功又曷可少哉方四

郊多壘或以簿書錢穀進輒却之謂此承平縣令事
耳今鎮撫不暇顧及此耶及寇盜平公招集流亡勞
來勸相請蠲請賑不遺餘力胡天降割重困一方風
鶴之餘加之疫癘而旱荒虎害紛紛見告其錯節盤
根百出以撓我公者何所不至向非公之精誠上格
呼吸相通卽有籲天請命祈雨驅疫之文安能旋至
而立效耶瘡痍旣復乃修陂塘築堰壩民因易北澤
之名爲百子堰以公艱于嗣而祝之以多男也養成
而教舉復鷄鳴之社適秀水解元黃君濤秉鐸是邦

音泐集記
相與有成甲子省試登賢書者三人提南宮者一人
皆公所拔士也他如新文廟勤清文治津梁平道路
百度具興禁溺女懲錮婢嚴棄妻除博奕積弊盡息
賢哉盧公才全德備締武經文當其爲民捍禦儼然
程季之選及其登民衽席又居然卓魯之遺假以宰
一邑者宰天下其豐功偉烈當復何如哉而惜乎其
竟卒於官也迄今垂七十年而此都人士傳頌弗衰
蓋不勝高山景行之慕云

邑侯徐公禱雨紀事

邑丞 湯大用

辛酉夏六月勿雨流金爍石邑侯念切民依科頭草
履十步一稽顙又深自刻責以黑索繫頸于城隍司
神傍如是者三日仍弗雨侯曰余自蒞龍於茲五載
歲有禱禱不出三日必應今禱而不雨是余之罪也
余惟德薄不能回天自必邀福于聰明正直之神因
東迎扶風太守像南迎楊侯像集于城隍殿庭合之
城隍龍神而分四座焉侯于諸神座前各置罪已表
文一通引針刺臂瀝血封函呼號涕泣爲民請命而

拜焚之此本月十六日事也是夜碧天一色星月皎潔俄而雲湧大雨如注翌日復之僅環城十里而止侯曰專求之神曷若藉神以籲之天於是躬親禮斗三晝夜至二十一日而雨二十二日復雨沾漑較廣濶矣而北鄉終不與焉侯思合邑粒食大半出自北鄉今苦旱尤甚究思不雨之故恍然曰余聞蛟能制龍今夏四月北山蛟發其腥濁穢邪之氣龍不敢近母乃爲是乎命工作青白二龍嚙指血懸其睛前導以劍斬除蛟氛助以金鼓送之北鄉而自齋宿於東

華山關帝廟以求默佑是日爲二十有三其夕微雲籠蓋詰朝大雨然第就一鄉而論猶未徧也復於二十六日輕騎減從自至北鄉徐王殿哀籲比及申刻雲從北方直上雨亦排空而至繼而東南西三面凝結震雷大作電掣風馳憑高眺遠倒峽傾盆不特北鄉枯槁獲蘓而四郊俱霑足矣噫雨耶珠耶王耶粟耶邑人莫不交相慶而歸其功於侯侯曰此神賜也余何功之有焉夫侯以儒素起家初非有奇法幻術也不辭勞瘁不惜軀命竭誠殫力以求之半月之間

音游賦記 卷之十一 十一
中有以勢而爭此山者公之裔孫學詩學禮叙功三君鳴於官當是時宰斯邑者爲海城今入本學名宦廬公直其事爰命寺僧易輸糧之戶名曰余公祠給有清單註曰余叙功祖時英公捐助寺僧莫之賣也勢家莫之爭也而祀事聿昭矣今而更易世矣三君之子若孫更慮後此之莫或徵也將勒石以紀之吾聞惟盛德乃百世祀而公之祀愈久愈光意其必有大功於當時而闕焉勿載其史筆之失傳也夫

募建羅山關聖殿引

沈圻

城東二十里曰羅山孝廉余君柯巖顏其額曰羅峯清隱者是或曰昔人於此山掘得古銅鑼二扣之聲聞數十里故又名鑼山前臨碧澗橫不盈尋丈縱則直接拔蒼萬山之水清漣可掬右折而達於溪以注之江繞山皆沃壤方其春也翠栢如繡禽鳥和鳴及其秋也清風徐來農歌互答余嘗再過之輒徘徊不能去山有徐王殿按是邑祀偃王之殿盈十而此山以次列在第三殿之西偏舊塑有

關聖像山僧某以為非體將募緣於紳士者善建前殿而位於正中仰惟

關聖祠祀徧寰宇自漢迄今闕于五百餘年而久而彌

世宗憲皇帝令天下郡邑歲支帑金六十兩以備時祭載

在祀典禮莫隆焉然則山僧此舉尊

國典而崇

關聖雖謂龍邑第一殿可也吾知都人士將必鼓舞樂輸而不日告竣者若夫人世應感果報之說非吾儒所稱道故槩置勿錄云

龍游縣誌卷之十二

海城盧燦惟庵重修

龍邱余恂岫雲纂輯

男勉汧公較閱

雜識誌

多識蓄德君子重之矧事在一邑網羅宜備者乎龍邑政治所關彙為正帙以其餘者顏曰雜識有可備參考資談諧罔勿登也流覽汎觀庶幾博雜之助舊志災祥附見今亦如之志雜識第十二

雜識

周書王會姊妹环姊妹國名屬越補曰勾踐之地西至姑蔑注今太末龍游春秋公及邾儀父盟于蔑

公羊穀梁作昧

昧亦蔑也
玆謂珍物

酈道元水經註浙江東北流澗水入焉水源西出太末縣縣是越之西鄙姑蔑之地也又曰澗水上承信安縣之蘇姥布蓋縣在晉名信安水懸百餘丈瀨勢飛注狀如瀑布瀨邊有石牀牀上有石長三尺許有似雜采帖也

建康實錄徐伯珍以鏡丁畫地學書

又云以箬葉學書

唐會要開元中中書舍人張九齡中書侍郎徐安貞迭居翰苑極被恩遇及右拾遺徐楚璧皆一時名人十九年中書侍郎徐安貞等撰文府二十卷上之

異苑吳時有五百人漁於湖先祭為神丐速竭水其夜夢神人告曰竭湖當如禱若得異魚慎毋殺或得銅在亦勿廢天明決水得魚絕異饒不能制眾烹之祭物猶在魚腹旋得一銅在眾疑為金共廢

之水忽瀑漲五百人俱沒名五百人湖卽今斗潭
異苑楊侯潭中有尋丈大魚往旱時縣令使人乘牛
擊其波雨卽應

雲溪友議徐侍郎安貞久居中書省叅李右丞議恐
其罪累逃隱衡山岳寺爲東林掇疏行者喑啞不
言者數年後修建佛殿僧中選善書者題其樑書
一二人矣徐行者跨過掌事怒連杖其背行者乃
畫地曰某口雖不能言昔年曾學大書乞試之乃
題數行僧皆悅服因遣盡書之時李北海邕游岳

過寺觀其題處曰不知徐公在此召至握手言曰
朝列于公已息議矣遂解其布褐飾以簪裳僧嘗
杖擊者潛匿無地徐謂李曰恐逢非罪遯跡深山
凡庸僧輩安能識我江夏公因戲之曰徐侍郎曾
吟峴山思駐馬漢水憶回舟否因同載歸止潭州
察使水亭相迓徐乃指北海語曰行者瀟湘逢故
人得隨歸客止乎汀洲之隅若幽谷之覩太陽者
矣不然委頓崑谷卒於寺隸也

顧况開元觀碑徐含貞者中書侍郎安貞族子傳八

章之貞文握九光之靈符隸開元觀人以觀中地道下通華陽旁通龍邱九嵒其土神秀厥生道奧含貞居此觀初棟宇壇墀堆彼瓦礫鬱爲草莽含貞之功林堂象設始吐光彩蓼蕭同映云

朝野僉載唐李凝爲龍邱令性急娣男七歲故惱之卽往逐不及以餅誘得之齧其胸背流血娣救得免又嘗乘驢市中有乘馬人靴鼻撥其膝遂大罵將歐之馬走不及忍怒不得嚼路傍棘血流

東楓遺話邑中火迫于城隍廟廟神立於墻上近廟

童子皆望見之執一扇撲火風忽反不及於廟

宋呂防讀書山中夢人告曰願主君救我平日見虞人挈死狐過買而瘞之因名狐墓在鷄鳴山北

吳興掌故余端禮未十歲衢婺大水與里人共處一閣閣將沉空中云丞相在內可護之少頃有物如鼉背負閣達岸衆賴以全後宰烏程決事風生舉筆膽落至光宗時拜相

余丞相端禮童時從葉公學一日赴甚早門猶未啓假寐石鼓上公夢黑龍蟠於門亟起視之乃端禮

卽以女字之後封郇國夫人

甯國雜紀紹興中余端禮爲邑尉會歲旱禱於大聖祠方寢夢神曰公后當大貴爲公一雨及晨詣祠祝曰夜夢果驗請飾神祠須臾大雨公后帥金陵夢神來謁乃捐緡錢一百萬爲修祠費

程大昌演繁露衢州之下十里許深潭有石兀立水面土人名之浮石白樂天有謝衢州張使君詩曰浮石潭邊停五馬先是土人常有謠曰水打浮石圓龍游出狀元蓋石本嶄崑不齊紹興甲子兩浙

大水浮石沒焉水退石仍出而嶄崑者皆去蓋爲猛浪沙石之所淙鑿乃此圓渾也又一年乙丑龍游劉章魁廷試

揮塵錄三衢境內地名張埠中有石里人號曰團石有識語云團石圓出狀元團石仰出宰相乙丑歲水涸石忽如圓鏡明年劉文孺章魁天下前歲大水石乃側仰而去年余處恭拜相此與閩中沙合南臺蓋相似也

老學叢談都人發姑蔑子墓破其銘石好古者琢以

成硯

馬天驥家貧好學行抵郡庠宿齋課業學鄰射圃一日有矢貫於齋之榴馬劇曰吾甲子石榴木也今秋其發薦矣乎聞者皆哂是年果計偕及第二人草木子元至正間衢州陷龍游一大家何氏爲兵所掠裂帛題一詩云妾長朱門十九春豈期今逐奔失身無補君王事死節難酬夫婿思江靜從教沉弱質月明誰與吊孤魂只愁父母難相見願與來生作子孫書畢投水死

皇明傳信錄胡大海克蘭溪獲僧孟月庭搜得天文書因置帳下太祖親征婺過蘭溪大海以月庭見上得書喜問月庭師何人以龍游朱暉對暉於天文家實精詣云

水南記事吳白娘幼遇異人家舉炊每於隔塘鄰家乞火歸甚速如此鄰母疑之一日矚其往乃從水面步行若飛亟呼之卽沒后人因廟祀之

綠筠亭贅言有徐叟畜一犢數年牽渡水叟沒牛隨尸歸仆其門卽不食及塋隨柩跪哭於墓數日死

青霞紀聞四都有錢醫生云其鄰編薛文清公瑄爲院本者中有文清科舉入勾欄一節本成忽其家扶箕問失物其箕書云吾薛瑄也朱晦菴章楓山羅一峰皆陪至此爾編吾科舉時事吾平生未嘗有此何爲汚我若是當速毀之須臾狂風迅烈陰雲閉戶其箕奮書曰吾關雲長也薛公他日當廟祀小輩敢戲侮前賢速取稿焚之其人俯伏竦髮汗背焚其書請罪箕又曰尙有數葉在學究榻下檢之果然卽取焚畢乃徹箕擊其人而去雲中颯颯有甲馬之聲其人不數月而死后萬厯初文清果從廟祀

青霞叢紀縣北一里許城隍湖下有大紐鐘初捕魚者屢見其紐相傳以爲卽邑樵樓鐘飛蓋一大蛇於下

舊志清華道士歐陽生能遊神時縣以丁日舉祭弟子馬月林問曰老釋言修煉其神不死若仲尼食報如是果神猶存平生日吾試觀焉於是從靜室凝坐月林穴壁窺之其神若自頂出維時學宮設

燎陳俎見有一人黃冠緋衣自下而上遍觀乃去
蓋其神也

濛溪叢異圓通菴於國初有雲南禪師以卓錫卜菴
此山時設大醮壇一日黑風大起有大鳥自南飛
至其色蒼白展翅如席狀類鶴俄頃飛去遺下粟
黍稻麥及黃黑豆於檀越祠屋上約數升是歲大
稔

邑士毛文瑛嗜義多卓行嘗寓維揚賑人饑隱人惡
及居里中焚人負券稱義士焉蚤歲遊粵之沙坪
見要津病涉傾囊成橋衆甚感悅名曰浙江橋後
其子汝麒以進士令番禺卽其地也咸謂建橋之
報云

里語龍邱初無武安王廟惟東嶽神座右有王之像
知縣涂杰禱雨無應因命曹生製一文告禱於王
次早其文在王坐中白紙黑字分明之甚觀者駭
焉乃撥之則灰也杰復禱曰果雨必有帝祠越日
雨遂愬今廟

石棟題辭萬曆丁未冬火起西隅沿燒甚熾知縣萬

廷謙拜伏露禱趨解袍帶投火中俄而火鴉數十自焰中飛出從西南去火遂熄民爲之建偶然亭烏石寺前有王街相傳岳武穆王飛過宿獨步於此土人取石砌街以王街名之

冷水華嚴菴相傳元末冷謙曾寓此菴菴後竹篠間有石如席蹲道左冷公鑿爲石釜掃松毛竹鞞煮水以飲行人後公將去埋石釜于道右父老送之云公去後如渴者何公以丈刺石釜得六七竅山泉從下沸出清冽異常後人或以瓢盡汲之則浮

漚起綠苔間如撒蓋珠頃刻盈釜土人呼爲冷水舊有亭曰冷公亭今廢

趙緣督先生僑寓邑東鷄鳴山麓以女嬪于范范氏子姓繁衍實始于此今范族建祠致祝必曰天水高平兩郡宗祖而語所自出必曰趙范趙稱緣督范稱文正亦猶一本之義也每歲春秋必率族衆往鷄鳴山謁緣督墓因登高臨水步先生觀象臺登眺讌集踵爲故事云

商文毅公未遇時曾設帳于城中祝氏道經脉元避

龍游縣志 卷之十一
雨水確中與龔璫邂逅相值璫曰雨打先生何處
去公答曰天教才子這方來璫甚奇之因款留至
家訊及生辰乃同年月日時結爲兄弟公後貴顯
授璫七品散官之職以報其德

張公羽翔爲蒲州守解任歸至楊州蒲有大學生僑
居於楊戴公之德具盛儀相餉公却不納其人固
請勉受絹一疋及渡江至金山下遇風勢甚急公
曰我豈有遺行耶他無可疑意惟此絹爲祟遂投
諸中流而濟

白鶴山下初築堰未成鄉民用力甚苦有仙人過其
地謂築者曰子能飯我我代汝勞築者歸家取食
不移時至堰已告成其人化白鶴飛去相傳歷數
百年水極泛漲堰終不壞

貌頭潭底有巨木一株橫數十丈每秋水澄霽凭舟
下矚首尾鱗爪宛若蛟龍久之覺有掀翻騰躍之
勢觀者悚慄而退遇亢旱居民向河干致禱輒有
靈雨之應土人號曰木蛟

大栗山頂有田數十畝相傳田中有鐘一口祖師蓋

毒蛇于下埋入地中尋常不可得見或耕者犁鋤所觸偶及鐘鈕則是年必大旱占歲者率以此爲候

黃塘源胡大昌侍郎宅明宏治間猶存其廳事僅三架絕無雕琢前輩從儉如此相傳大昌有隱居詩云門前新架一堤沙後苑營栽五色花五百大夫當戶立三千君子遠庭遮鶯傳更漏鷄催曉鶯奏笙簧蜂打衙時人問道何官府却是山中宰相家其詩不甚雅馴真贗未卜姑附載于此

明末丙戌之春有益陽王來至龍邑自稱監國開王邸設官屬樹立旗幟召募兵馬凡素封之家悉令助餉強以冠帶武將告身幾徧奴僕時有永豐伯張鵬翼自越至衢經過城下益陽閉門不納鵬翼攻城而入益陽馬蹶墜坑下亂兵攢刃刺焉益陽蟠踞龍邑凡四閱月城中掘地爲塹不顧龍脉城外西南附郭民居悉行折毀龍邑元氣傷殘半由於此

國朝順治庚子四月初四日龍山雁蕩寺前忽雷電

風雨一時驟至倏復清朗見一異獸高丈餘馬蹄
麟首尾若芭蕉昂首聳耳而坐寺僧驚擾鳴鐘擊
鼓逐之踰時忽又雲霧昏塞雷雨交作遂不知所
之是科邑中發解得雋者共三人或以為文明之
兆也

而人益畏其神也
蓋風集自鼓至雷發其勢不可測也
世謂此為怪事
其言有風集立於地
其言有風集立於地
其言有風集立於地
其言有風集立於地

災祥附

齊永明元年徐伯珍家梓木一年合抱南齊書

梁天監二年六月大水梁書是年鸞鷲見于澱水東陽

記

唐元和十一年五月山水害稼唐書會要作十三年

宋咸平二年閏三月箭竹生米如稻

建中靖國元年旱

紹興十四年大水澱溪大石圓轉

二十四年饑

乾道四年七月壬戌大水 八月辛亥賑恤流民

淳熙六年夏大水

八年正月甲戌積旱七月不雨至十一月

九年大饑種稔亦絕

十四年五月旱

慶元五年秋大水

六年五月自庚午至甲戌大水

開熙元年不雨凡百日大旱

二年饑

八年大旱 自正月不雨至八月乃雨

十四年大旱

嘉定元年大水

三年五月大水是年饑

十年蠡螭是年大饑

十五年七月大水

紹定十二年大水

隆熙四年辛未大水 並宋史

元至正四年六月大水

十一年冬十一月雨黍

十三年秋大旱

明洪武末年蝗自北來

永樂十四年秋七月大水

正統二年雹 是年徐琪墓前產並蒂蓮

景泰五年正月大雪自春正月至二月凡四十日

成化初大旱饑

九年大水

宏治三年夏五月大水 民不雨至八月大雨

十一年大旱 民饑

十二年大水

正德三年大旱自五月不雨至七月

四年大饑 是年雨黑子

六年十月城中火

八年正月雨雪 是年大旱 地震

五年六月大水

嘉靖三年大旱

五年大旱 龔崇堯墓有白鳩來巢

八年夏五月大水

秋八月十一日雨雪

九年夏四月初五日大雨雹

秋八月旱大饑

十八年自夏四月至六月雨

六月初五日大水異常

自六月至秋八月雨是年疫

十九年八月蝗

二十一年六月蝗

二十二年城中火

二十三年夏四月至秋七月不雨 是年饑

三十四年八月徐偃王廟偃王首無故自殞

三十六年四都民家產芝

三十九年六月不雨至八月雨

四十年閏五月大水

四十二年夏五月不雨至秋七月雨

四十五年二月無雲而震

隆慶二年六月旱

萬曆元年七月旱

三年五月不雨凡四十日至七月乃雨

四年夏四月東華芝靈二山並紫芝叢生

是年秋八月龍邱祠一帶二瓜

十六年大旱疫

二十六年大旱

三十二年十一月城中地大震百無一存

三十六年大旱

天啓二年秋學宮桂樹一株踰數百年花係蜜色

是秋忽變為丹桂

崇禎九年大旱

十三年二月城中火災每日輒焚數處半月

乃熄高樓大宅為之一空

清順治三年大旱

六年大旱

十二年大旱

康熙十年大旱自五月至九月不雨溪水盡涸

論曰龍邑越之一隅耳蕞爾小邑非中原都會之

區遺文軼事散見載籍者寥寥無幾故靡得而詳
焉然蒼璣小壁片羽碎金苟有可徵亦不得畧也
昔楊子雲自言于天下上計吏問其異語歸卽以
鉛摘次之于槩而司馬溫公每聞人言新事輒錄
於冊并記其言之人非以矜奇炫博將有所用之
也邑志者國史之資方言里語君子咸有取焉以
爲異日叅伍考證之藉此豈可以駢拇枝指同類
並視哉

